



Government Gazette Staatskoerant

REPUBLIC OF SOUTH AFRICA
REPUBLIEK VAN SUID-AFRIKA

Vol. 441

Pretoria, 5 March 2002
Maart

No. 23198



AIDS HELPLINE: 0800-0123-22 Prevention is the cure

INHOUD

No.

Bladsy Koerant
No. No.**ALGEMENE KENNISGEWING****Kommunikasie, Departement of***Algemene Kennisgewing*

311	Wet op Telekommunikasie (103/1996): Uitnodiging om Aansoek te Doen ingevolge artikel 34 (2).....	3	23198
-----	--	---	-------

ALGEMENE KENNISGEWING

KENNISGEWING 311 VAN 2002

Ek, Ivy Matsepe-Casaburri, Minister van Kommunikasie, publiseer hierby die volgende Uitnodiging om Aansoek te Doen (ingevolge artikel 34(2), gelees met Artikels 32B en 35(4) van die Wet op Telekommunikasie No. 103 van 1996, soos gewysig), waarby histories benadeelde groepe uitgenooi word om aansoek te doen vir 'n negentien persent (19 %) aandeelhouding in die Tweede Nasionale Operateur, wat in 2002 gelisensieer gaan word om 'n publieke skakeltelekommunikasiediens in die Republiek van Suid-Afrika te verskaf.

Dr. Ivy Matsepe-Casaburi
MINISTER VAN KOMMUNIKASIE

1. ONDERWERP VAN DIE UITNODIGING OM AANSOEK TE DOEN

Inleiding

1.1 Die Minister van Kommunikasie van die Republiek van Suid-Afrika (die "Minister") vaardig hierby 'n Uitnodiging om Aansoek te Doen ("die Uitnodiging") aan persone van histories benadeelde groepe uit, waarby sodanige persone uitgenooi word om aansoek te doen om negentien persent aandeelhouing in die Tweede Nasionale Operateur ("TNO") wat in die Republiek van Suid-Afrika tot stand gebring staan te word, en wie se werksaamhede in 2002 'n aanvang sal neem. Ingevolge die Wet op Telekommunikasie No 103 van 1996 ("die Wet"), soos gewysig, en soos bepaal in die uitnodiging, moet die TNO gelisensieerd wees en vereis word om Publieke Skakeltelekommunikasiedienste ("PSTD") te verskaf, wat die ontwerp, verhuring, oprigting, onderhoud en bedryf van die netwerk ingevolge die lisensie(s) wat deur die Minister verleen en deur die Onafhanklike Kommunikasies-owerheid van Suid-Afrika ("die Owerheid") uitgereik is, insluit. Elke sodanige lisensie wat aldus uitgereik word, moet deur 'n evaluasieproses wat hieronder uiteengesit word, voorafgegaan word.

1.1.1 Negentien persent (19%) van die aandeelhouing in die TNO moet aan persone van histories benadeelde groepe toegeken word.

1.1.2 Die suksesvolle Applikant moet 'n maatskappy ("die SEB maatskappy") wees wat behoorlik ingevolge die wette van Suid-Afrika ingelyf is.

1.1.2.1 Die SEB maatskappy sal verplig wees om 'n nuwe maatskappy met die volgende entiteite te stig:

1.1.2.2 EVKOM en Transnet

1.1.2.3 Enige suksesvolle Plaaslike en/of Internasionale Applikant in die TNO

1.2 Ten einde as 'n histories benadeelde groep(e) te kwalifiseer moet applikante die volgende kriteria bevredig:

- 1.2.1 Die SB komponent moet 'n maatskappy wees wat behoorlik ingevolge die wette van Suid-Afrika ingelyf is, wat besit, bestuur en beheer word deur persone van histories benadeelde groepe wat Suid-Afrikaanse burgers is, en aansoeke moet aandui dat eienaarskap Suid-Afrikaanse burgers sal bevoordeel ten einde bematiging te verseker.
- 1.2.2 Die geldigheid van aansoeke sal deur die Owerheid bepaal word.
- 1.2.3 Die Owerheid kan van die Applikante opklaring oor alle of sommige aspekte van hul aansoek vereis.
- 1.3 Belangstellende persone kan vrae of opheldering in verband met die Uitnodiging om Aansoek te doen direk aan die Minister en nie die Owerheid nie, voorlê. Sodanige vrae moet skriftelik wees, en per hand, of per E-pos of faksimilee aan die Minister, nie later nie as 14 Maart 2002, by die volgende adres afgelewer of gestuur word:

Die Minister van Kommunikasie

Telekommunikasie Besigheidseenheid

ITA- BEE Projek

Departement van Kommunikasie

Nkululeko Huis

Duncanstraat 399

Hatfield PRETORIA

Tel No: 012 427 8000

Fax No: 012 427 8102

E-pos adres; mashila@doc.pwv.gov.za

1.4 Proses om die TNO te lisensieer

Die lisensiering van die TNO moet ingevolge die volgende proses onderneem word :

- 1.4.1 Die eerste fase moet die toekenning van 19 % (negentien persent) aandeelhouding aan persone van histories benadeelde groepe ingevolge artikel 35 van die Wet, behels.
- 1.4.2 Die tweede fase is die toekenning van 51% (een-en-vyftig persent) aandeelhouding aan 'n plaaslike en/of internasionale Belegger in die TNO.
- 1.4.3 30 % (dertig persent) aandeelhouding soos bepaal ingevolge artikel 32B(2) van die Wet, moet aan EVKOM en Transnet toegeken word.

1.5 Die dienste

- 1.5.1 Daar word ingevolge artikels 36,36(A) en 36(B) van die Wet vir die omvang van die diens ten opsigte waarvan hierdie Uitnodiging uitgereik is, voorsiening gemaak.
- 1.5.2 Die dienste wat deur die TNO verskaf moet word, insluitende die voorsiening van moderne inligtingsdienste, moet rekening hou met die behoeftes van beide besigheids- en tuisverbruikers.

1.6 Vorm van aansoek en wyse waarop dit beoog word om die diens te lewer

Die Minister van Kommunikasie bepaal ooreenkomstig die Wet die vorm en wyse van die uitnodiging soos volg:

- 1.6.1 Die applikant: 'n Maatskappy behoorlik ingelyf kragtens die wette van die Republiek van Suid-Afrika.
- 1.6.2 Die onderwerp van hierdie uitnodiging: die toekenning van 19% aandeelhouding in die TNO.
- 1.6.3 Die getal lisensieregte aan die TNO: een (1) PSTD lisensie wat ingevolge die Wet uitgereik moet word.
- 1.6.4 Tydperk van lisensie: Twintig (20) jaar vanaf die datum waarop die lisensie onderteken is, wat deur die Owerheid vir 'n verdere vyf (5) jaar verleng kan word, behoudens skriftelike aansoek deur die gelisensieerde aan die Owerheid.
- 1.6.5 Behalwe vir die uitnodiging(s) om aansoek te doen om lisensies in ondergedienste gebiede ingevolge Artikel 40 (A) van die Wet, mag die Minister nie 'n ander uitnodiging vir die voorsiening van PSTS voor 8 Mei 2005 uitreik nie.
- 1.6.6 Deel van telekommunikasiefasiliteite: Die gelisensieerde is by magte om die telekommunikasiefasiliteite van Telkom Suid-Afrika Beperk vir 'n tydperk van 2 jaar vanaf die datum van die aanvang van die diens te gebruik.
- 1.6.7 Bedrag van die jaarlikse lisensiefooie: 'n Jaarlikse lisensiefooie is betaalbaar wat bereken word vanaf die datum van aanvang van die voorsiening van PSTD. Die verskuldigde bedrag is 'n bedrag gelykstaande aan 0.075% van die lisensiehouer se jaarlikse inkomste wat deur die voorsiening van PSTD gerealiseer is.

2. DIE AANSOEKTYDTAFEL

- 2.1 Die aansoekproses moet ingevolge die volgende skedule gevoer word:

2.1.1 Publisering van hierdie uitnodiging	21 Desember 2001
2.1.2 Oorsending van vrae aan die Minister deur potensiële applikante	14 Januarie 2002
2.1.3 Publisering van alle vrae en antwoorde deur ICASA	21 Januarie 2002
2.1.4 Afsnydatum vir die voorlê van aansoeke	14 Maart 2002
2.1.5 Owerheid voltooi evaluasie van aansoeke	14 Mei 2002
2.1.6 Owerheid stuur aanbeveling na die Minister	14 Mei 2002
2.1.7 Minister verwittig die Owerheid van besluit om aansoek toe te ken	31 Mei 2002

3. KOSTE IN VERBAND MET AANSOEK

3.1 Applikante moet die koste wat in verband met die voorbereiding en voorlegging van die aansoek aangegaan is, dra. Ongeag die uitslag van die aansoek, mag applikante onder geen omstandighede vergoeding van die Minister, die Owerheid of enige ander Regeringsministerie en/of ander Departement van die RSA of enige direkte of indirekte koste wat verband hou met die aansoek, eis nie.

3.2 Aansoekfooi:

'n Bankgewaarborgde tjek van R75 000,00 moet saam met die aansoek voorgelê word.

4. VOORWAARDES VAN GESKIKTHEID IN VERBAND MET DIE AANSOEK

4.1 Elke konsortium moet oorspronlike kopieë van die ooreenkomste wat deur die lede geëndosseer is, verskaf.

4.2 Die volgende maatskappye, entiteite en/of filiale word van die voorlegging van 'n aansoek òf as individule applikante òf as 'n lid (lede) van 'n konsortium, uitgesluit:

4.2.1 Cell C

4.2.2 MTN/Mcel

4.2.3 Sentech Beperk

4.2.4 Telkom Suid-Afrika Beperk

4.2.5 Vodacom

4.2.6 Enige maatskappy wat 'n insolvensie of likwidasie of finale skikkingsprosedure ondergaan

4.2.7 Enige werknemer van die Ministerie en Departement van Kommunikasie of enige ander Departement wat direk betrokke is in die lisensiëring van die TNO, òf deur 'n dienskontrak òf deur enige ander kontraktuele middel.

4.3 Die applikant, of in die geval van 'n konsortium, die gemagtigde ondertekenaar van elke groep binne die konsortium, moet 'n verklaring wat die waarheid van die inhoud van die aansoek bevestig, onderteken. In die geval waar die verklaring vals is, word die applikant gediskwalifiseer.

5. ONDERWERP EN INHOUD VAN LISENSIE

5.1 Die Lisensie wat, soos beoog in Klousule 1.2, uitgereik moet word, moet die volgende insluit:

5.1.1 Beskrywing van die diens: Die PSTD moet in die gebied van die Republiek van Suid-Afrika ooreenkomstig die voorwaardes van die lisensie verskaf word;

- 5.1.2 Die Lisensiehouer is geregtig en verplig om 'n PSTD te bou, onderhou en te bedryf wat in staat is om 'n PSTD te verskaf en om met ander publieke teplekommunikasie-operateurs wie se netwerke interverbinding is met dié van die lisensiehouer saam te werk, en om aan intekenaars PSTD ooreenkomstig die bedinge en voorwaardes van die lisensie, te verskaf.

BEKENDSTELLING VAN DIE BEDINGE EN VOORWAARDES VAN DIE ITA

1. AANSOEK

1.1 Bemagtiging

1.1.1 Artikel 35 van die Wysigingswet op Telekommunikasie van 2001; saam met artikel 2 van die Wet op Telekommunikasie van 1996, beklemtoon die noodsaaklikheid vir Swart Ekonomiese Bemagtiging (SEB) ten opsigte van die uitreiking van lisensies. Dit is in die Wet geplaas ten einde te verseker dat die historiese nalatenskap wat die uitsluiting van groepe van die industriële sektor en ekonomie afgedwing het, aangespreek word. Die vereiste is dat die eienaarskap, bestuur en beheer van die SEB maatskappy deur persone van historiese benadeelde groepe gehou word.

1.1.2 Die probleem is dat tot nou toe die betrokkenheid van persone van historiese benadeelde groepe tot 'n paar individue beperk was. Dit moes verander word ten einde 'n breë basis van deelname van benadeelde groepe in die sektor en in die ekonomie, te verseker.

1.2 Bemagtiging van Vroue

1.2.1 Artikel 2(q) wat die oogmerke van die Wet uiteensit, beklemtoon die bemagtiging van vroue in die telekommunikasie sektor. Dit, gelees met artikel 40 A van die Wet, staan die eienaarskap, beheer en bestuur van telekommunikasiemaatskappye voor.

1.2.2 Histories is vroue van indiensname, gelykheid en deelname in die ekonomie in die algemeen en in die telekommunikasie sektor in besonder, uitgesluit. Dit het hul rol in die gemeenskap afgegradeer en die Suid-Afrikaanse regering

het dit as 'n prioriteitskwessie wat aangespreek moet word, geïdentifiseer.

1.3 Bestuurskapasiteit en Vaardigheid

1.3.1 Die tekort aan vaardigheid van persone van histories benadeelde groepe in die bestuur en beheer van telekommunikasiemaatskappye vereis dat die besigheidsplan wat aangebied word die wyse moet aandui waarop die negentien persent wat vir persone van histories benadeelde groepe opsy gesit is, aangewend sal word. Dit is om die verdere ontwikkeling van bestuursvaardighede tussen ander persone van histories benadeelde groepe weg van die interne bestuursvaardigheidsontwikkelingsplan te verseker.

1.4 Eienaarskap en Beheer

Ten einde regverdigde kompetisie in die telekommunikasiemark te verseker:

- 1.4.1 mag die applikant nie 'n direkte of indirekte eienaarskap in enige ander binnelandse publieke telekommunikasie-operateur hou nie of die huidige telekommunikasie-operateurs mag nie enige direkte of indirekte eienaarskap in die applikantmaatskappy hou nie;
- 1.4.2 waar 'n maatskappy wat enige direkte of indirekte eienaarskap in 'n binnelandse telekommunikasie-operateur hou, enige direkte of indirekte eienaarskap in die applikant verkry, sal van daardie maatskappy vereis word om sy eienaarskap in die applikantmaatskappy, of ander binnelandse telekommunikasie-

operateur, binne ses (6) maande vanaf die datum van die verkryging te verkoop.

- 1.4.3 Die Owerheid se reg in verband met veranderings in eienaarskap: 'n Voorlopige skriftelike toestemming van die Owerheid moet vir enige verandering in die eienaarskapsstruktuur van die lisensiehouer verkry word, in besonder vir die verkoop van aandele aan 'n derde party, enige verkope van aandele binne vyf (5) jaar wat 5% van die geheel oorskry, of enige kaptitaalverhogings binne vyf (5) jaar wat 'n verandering in eienaarskap tot gevolg het of wat 5% van die geheel van die aandele van enige van die eienaars oorskry.

1.5 Menslike hulpbronne- ontwikkeling

- 1.5.1 Wêreldwyd is daar 'n tekort aan IKT vaardighede en hierdie tekort is selfs groter binne ontwikkelende lande soos Suid-afrika. Daar is 'n dringende behoefte om vaardighede tussen persone van histories benadeelde groepe te ontwikkel en in die opleiding van IKT vakmanne in die sektor in die algemeen. 'n Omkeer van die huidige tendens met betrekking tot IKT vaardighede kan slegs deur doelgerigte en bepaalde ingrypings.
- 1.5.2 Die applikante moet ook duidelik aandui hoe hulle ander beleggers in die TNO in verband met die ontwikkeling en oordrag van vaardighede na persone van histories benadeelde groepe, gaan betrek. Skakeling met Histories Benadeelde Tersiêre Inrigtings sal van kritiese belang wees in die demonstrering van die verbintenis tot vaardigheidsontwikkeling.

1.6 Inligtings en Kommunikasie Tegnologie (IKT) Vakmanne

1.6.1 Die betrokke applikante moet van die vaardighede en vakmanskapasiteit van histories benadeelde groepe in die gebied van ingenieurswese, ekonomie, rekeningkunde, tegnologie asook die regsomgewing gebruik maak. Dit moet gedoen word beide as 'n interne ontwikkelingsprogram asook in die gebiede van uitbesteding en die opstel van die aansoek.

1.7 Jeugbetrokkenheid

1.7.1 Die huidige ekonomiese en maatskaplike omgewing asook die feit dat ongeveer die helfte van die Suid-Afrikaanse bevolking onder die ouderdom van 28 jaar is, vereis 'n doelgerigte poging om te verseker dat die jeug in die ekonomiese en maatskaplike lewe van die gemeenskap geïntegreer word.

1.7.2 Die applikant moet aandui hoe hy hierdie belangrike sektor van ons gemeenskap in sy plan gaan integreer.

2. BEDINGE EN VOORWAARDES IN VERBAND MET DIE AANSOEK

2.1 Diegene wat vir die opsygesette gedeelte vir persone van histories benadeelde groepe bie moet duidelik soos volg demonstreer dat hulle 'n breë basis van ondersteuning verteenwoordig:

2.1.1 Dat die eienaarskap- en beheerstrukture van die groep geografies verspreid en ondersteun word deur 'n aanduiding van die deelname van individue en groepe op provinsiale en

plaaslike vlak veral in daardie gebiede buite die hoof metropolitaanse gebiede.

2.1.2 Die eienaarskap en beheer van die opsygesette gedeelte vir persone van histories benadeelde groepe moet met die regering se geïntegreerde volhoubare landelike ontwikkelingsprogram rekening hou.

2.1.3 Die samestelling van die applikante vir die opsygesette gedeelte vir persone van histories benadeelde groepe moet demonstreer dat hulle 'n plan het om die betekenisvolle deelname van vroue of vrouegroepe in die eienaarskap, bestuur en beheer van hierdie maatskappye, te verseker.

2.2 Die besigheidsplan wat ingedien moet word moet duidelik die vlakke van deelname asook die strategie om die verhoogde deelname van vroue in die sektor en die maatskappy te verseker, aandui. Die ontwikkeling van vaardighede van vroue in hierdie sektor in die algemeen moet duidelik omskryf word en hoe stroomaf aktiwiteite wat verband hou met die werking van die TNO sal verseker dat die rol wat deur vroue wat die maatskappye besit en beheer oor tyd ontwikkel en uitgebrei sal word

2.3 Die besigheidsplan van die applikante van histories benadeelde groepe wat in die TNO toegeken is moet die bestuursondervinding en vaardighede wat deur sodanige applikante verskaf gaan word, aandui.

3. Die applikant moet 'n besigheidsplan wat die bestuursvereistes van die opsygesette gedeelte vir persone van histories benadeelde groepe in die TNO, asook in die bestuur en werkinge van die TNO, verskaf.

3.1 Die meerderheid van die lede van die raad van direkteure en die uitvoerende bestuurskomitee van die lisensiehouer moet bestaan uit Suid-Afrikaanse burgers met 'n permanente adres in Suid-Afrika.

- 3.2 Die applikante moet duidelik die wyse waarop hulle die ontwikkeling van vaardighede onder persone van histories benadeelde groepe in die IKT sektor gaan verseker, aandui.
- 3.3 'n Plan vir die ontwikkeling van vaardighede van persone van histories benadeelde groepe sowel as die oordrag van vaardighede aan sodanige persone, insluitende die ontwikkeling van vaardighede ingevolge die personeelvoorsiening, bestuur en beheer van die TNO, moet verskaf word.

4. Die applikant moet die volgende verklarings in die aansoek maak:

- 4.1 die applikant val nie binne die uitsonderings wat in hierdie Uitnodiging uiteengesit word nie;
- 4.2 die applikant moet onvoorwaardelik die voldoening aan die ondernemings wat in sy aansoek opgeneem is waarborg en moet die finansiële sekuriteit daarvoor verskaf.
- 4.3 Die applikant moet onderneem dat indien hy as die suksesvolle applikant vir die lisensie verkies is, hy, behoudens die bepalings van Klousule 1.2, 'n lisensie-ooreenkoms met die Owerheid sal aangaan wat aan al die vereistes van die toepaslike reg, die inhoud van hierdie uitnodiging en die ondernemings in sy eie aansoek, voldoen.
- 4.4 Die applikant moet, behoudens klousule 1.2, in die geval waar hy as die suksesvolle applikant verkies word, onderneem dat die Owerheid geregtig sal wees om enige eise uit die bankwaarborg van goeie prestasie voorgelê aan die Owerheid vir die sekurering van die voldoening aan sekere verpligtinge wat in hierdie uitnodiging gespesifiseer is, te verreken, indien die applikant, in sy geheel of gedeeltelik, in gebreke sou bly om aan sodanige verpligting te voldoen.

- 4.5 Die applikant moet die toepaslike reg, regulasies en beleidsdirektiewe wat deur die Minister en/of Owerheid uitgereik is as bindend op die voorbereiding, berging, instandhouding op 'n toeganklike wyse, sowel as die openbaarmaking van inligting wat nodig is vir die monitering van die optrede van die Lisensie Maatskappy, aanvaar, en moet onderneem om aan enige sodanige reëls te voldoen en toe te pas.
- 4.6 Die applikant moet verklaar dat daar geen rede vir diskwalifikasie of inperking teen hom bestaan nie, en dat aanvaarding van sy aansoek in hierdie proses nie vir die ontstaan van sodanige redes vir diskwalifikasie of inperking aanleiding sal gee nie. Die Applikant moet erken dat dit van hom vereis sal word om aan die geskikheidsvereistes insluitende daardie vereistes in verband met eienaarskapstruktuur, gespesifiseer in die toepaslike wette en regulasies, hierdie uitnodiging en die lisensie, tydens die hele duur van die lisensie, te voldoen,
- 4.7 Die applikant moet 'n formele verklaring tot die effek maak dat die te stigte Maatskappy aan die Owerheid by 30 Junie elke jaar die geouditeerde jaarverslag van die vorige besigheidsjaar, goedgekeur deur die aandeelhouders by die Jaarlikse Algemene vergadering, sal voorlê.
- 4.8 Die applikant moet 'n verklaring tot die effek maak dat hy die bedinge en voorwaardes van hierdie uitnodiging en die evaluasie en keuringsprosedure as bindend aanvaar.
- 4.9 Die applikant moet 'n verklaring maak of enige van die maatskappye met deelnemende- of stemregte van meer as 5% in die Applikant – insluitende konsortiumlede- of waarin die Applikant 'n meerderheidsbelang hou, onderhewig is aan ontbinding, likwidasie of bankrotskap-prosedure. Die inligting ter ondersteuning van sodanige verklaring moet in 'n aanhangsel tot die aansoek verskaf word.

- 4.10 Die applikant moet sertifiseer tot watter mate die Applikant, aandeelhouer(s) wat 'n meerderheidsbelang in die applikant of enige onderneming waarin die applikant 'n meerderheidsbelang hou, belasting, amptelike fooie of verpligtinge, of verpligtinge ten opsigte van toegekende openbare fondse het, wat vir meer as een jaar verskuldig is. Die inligting wat nodig is vir die bepaling van die mate en die aard van sodanige verskuldigde betalings, moet in 'n aanhangsel tot die Aansoek verskaf word. Die applikant en lede van die konsortium daarvan, moet relevante sertifikate van die Suid-Afrikaanse Inkomstedienste in hierdie verband verskaf.
- 4.11 Die applikant moet sertifiseer tot watter mate die applikant, enige onderneming wat 'n meerderheidsbelang in die applikant hou of 'n onderneming waarin die applikant 'n meerderheidsbelang het, enige vonnis van 'n geregshof, bevel van die Mededingingskommissie of Kompetisie Tribunaal teen hulle het wat binne die laaste drie (3) jaar in verband met siviele, kriminele of mededingingsoortredings binne hulle besigheidshoedanigheid, gepleeg is. Die inligting ter ondersteuning van sodanige sertifisering moet in 'n aanhangsel tot die aansoek verskaf word.
- 4.12 Die applikant moet sertifiseer of enige geregtelike (invorderings) prosedure aan die gang is, of wat in die laaste drie (3) jaar teen die applikant, enige onderneming wat 'n meerderheidsbelang in die applikant hou of enige onderneming waarin die applikant 'n meerderheidsbelang hou, aan die gang was. Die inligting ter ondersteuning van sodanige aansoek moet in 'n aanhangsel tot die aansoek verskaf word, en moet as vertroulik deur die Owerheid behandel word.
- 4.13 Die applikant moet sertifiseer of daar enige regsgeding bestaan wat aan die gang is teen die applikant, enige aandeelhouer(s) wat 'n meerderheidsbelang in die applikant hou, of enige

onderneming waarin die applikant 'n meerderheidsbelang hou..Die inligting en Aanhangsels ter ondersteuning van sodanige sertifisering moet in 'n Bylae tot die aansoek verskaf word, en moet as vertroulik deur die Owerheid behandel word.

- 4.14 Die behoorlik uitgevoerde verklarings hierbo uiteengesit, moet deur die applikant in 'n toepaslike vorm tesame met al die bygaande dokumente, voorgelê word. Aansoeke sonder die verklarings kan deur die Owerheid gediskwalifiseer word. Die Owerheid behou die reg voor om die voorlegging van bykomstige inligting, dokumente, verklarings en vertoë te versoek. Alle verklarings en dokumente wat ter ondersteuning van die aansoek verstrek word, in besonder besigheidsplanne en tegniese planne, sal 'n integrale deel van die aansoek vorm.

5. BEFONDSING

- 5.1 Die gebrek aan befondsing verskaf deur die tradisionele finansiële instellings vir maatskappye en entiteite wat besit word deur persone van histories benadeelde groepe, vereis spesifieke oorweging. Ten einde te verseker dat die opsygesette gedeelte vir persone van histories benadeelde groepe suksesvol sal wees, moet die applikante toegang tot befondsing vir hul bedrywighede hê. Die gebrek aan voldoende befondsingmeganismes vir persone van histories benadeelde groepe vereis dat inoverende befondsing meganismes om kapitaal vir die opsygesette gedeelte vir persone van histories benadeelde groepe te voorsien, te ontwikkel.
- 5.2 Die ondervinding van persone van histories benadeelde groepe om hoofsaaklik deur skuldsekuriteit gefinansier te word, het dikwels tot gevolg gehad dat die bestuur van en beheer oor die

maatskappy van hulle na die finansiële instellings verskuif word.

6. BEDINGE EN VOORWAARDES VIR BEFONDSING

- 6.1 Die befondsing van die maatskappy moet duidelik gestel word sodat dit duidelik blyk dat beheer en eiendomsreg van die maatskappy in die hande van histories benadeelde groepe is en dat beheer en eiendomsreg nie afgewater kan word nie.
- 6.2 Die befondsing van die opsygesette 19 % vir histories benadeelde groepe moet in die besigheidsplan op 'n deursigtige wyse aangedui word.
- 6.3 Enige versuim om volle besonderhede van die befondingsmeganisme te openbaar, sal daarop uitloop dat die applikant gediskwalifiseer word. Die gebruik van hierdie befondingsmeganisme en verspreiding van eiendomsreg en befondsing moet tot voordeel van die applikant strek.

7. DIE LISENSIE

- 7.1 Die geografiese gebied vir die voorsiening van 'n publieke skakeldiens(PSD) in ooreenstemming met hierdie uitnodiging is die hele gebied van die Republiek van Suid-Afrika.
- 7.2 Die gebruik van frekwensiebande in die grensgebiede van die land kan beperk word tot voorkeur frekwensieverspreidings-ooreenkomste wat met naburige state aangegaan is of, by

ontstentenis aan so 'n ooreenkoms, deur die frekwensiegebruik in die naburige staat.

- 7.3 Die tydskedule met betrekking tot die nasionale gebiedsdekking sal uiteengesit word in die konseplisensie wat aan die uitnodiging vir plaaslike en internasionale beleggers geheg sal word.

8. BEDINGE EN VOORWAARDES VIR LISENSIE

- 8.1 Die termyn van die lisensie is twintig (20) jaar vanaf die aanvang van die diens.
- 8.2 Wanneer die lisensiehouer skriftelik daarom aansoek doen, kan die Owerheid die tydperk van die lisensie vir 'n verdere tydperk van vyf (5) jaar verleng, onderhewig aan die mening van die Owerheid dat dienste van 'n aanvaarbare gehalte en in nakoming van die oorspronklike lisensie gelewer is.
- 8.3 Indien die lisensiehouer versuim om die netwerk op te rig, moet die lisensiehouer, totdat 'n netwerk voltooi is wat voldoen aan die gehalte van die reeks dienste wat in die lisensie uiteengesit is, 'n boete vir versuim soos gespesifiseer in die lisensie, betaal.
- 8.4 Daar word van die lisensiehouer verwag om gevorderde telekommunikasiedienste aan beide besigheids- en residensiële kliënte te verskaf.
- 8.5 Die lisensiehouer moet aan die einde van elke jaar 'n geouditeerde verslag oor die graad van verwesenliking van die lisensievoorwaardes aan die Owerheid voorlê. Dié verslag moet die omvang en redes vir vertragings, indien enige, beskryf. Die verslag moet 'n ontleding van die graad van nakoming van die lisensievoorwaardes insluit. Die Owerheid is daarop geregtig om die data wat verskaf is verder te oudit.

- 8.6 Op die vyfde verjaarsdag van die effektiewe datum moet die lisensiehouer en die owerheid gesamentlik die globale tegnologiese ontwikkelinge en die invloed daarvan op die mark, ander voorwaardes met betrekking tot lisensiëringsaktiwiteite en internasionale verpligtinge wat intussen deur die Regering aangegaan is, hersien, en in die lig daarvan die noodsaaklikheid om die lisensie te hersien of te wysig oorweeg.
- 8.7 Die lisensiehouer moet ooreenkomste met ander verskaffers van telekommunikasiedienste in ooreenstemming met toepaslike reg aangaan ten einde die geskeduleerde tydsvereistes met betrekking tot die bemarking, gehalte, hoeveelheid en tegniese parameters van die lisensieaktiwiteit, bedinge en voorwaardes van samewerking met ander telekommunikasie-operateurs, minimum vereistes en ander voorwaardes met betrekking tot lisensie-aktiwiteite, na te kom.
- 8.8 Die lisensie-houer moet sy telekommunikasienetwerk oprig en sy dienste te alle tye in ooreenstemming met die lisensie verskaf.

9. ANDER FOOIE BETAALBAAR DEUR LISENSIEHOUER.

Die lisensiehouer moet die radio frekwensie spektrumlisensiefooie wat deur die Owerheid gespesifiseer is, betaal.

10. VERTROULIKE BEHANDELING VAN INLIGTING

- 10.1 Indien die applikant sekere vertroulike inligting soos bepaal in artikel 34 van die Wet van openbare inspeksie wil uitsluit, moet die applikant twee addisionele kopieë gemerk "Vir openbare inspeksie" indien, welke kopieë sodanige vertroulike inligting moet uitsluit en duidelik aandui waar sodanige vertroulike inligting uitgesluit is,

tesame met die Applikant se versoek aan die Owerheid om daardie vertroulike inligting van openbare inspeksie ingevolge artikel 34(4)(b) van die Wet uit te sluit.

- 10.2 Applikante is verantwoordelik vir die hersiening en uitleg van die aansoek, met inbegrip van enige aanhangsels en die konseplisensie. Applikante is ten volle aanspreeklik indien hulle aansoek deur die Owerheid verwerp of gediskwalifiseer is weens hulle versuim om aan sodanige vereistes te voldoen.
- 10.3 Elke applikant is verantwoordelik vir die evaluasie en ontleding van die Suid-Afrikaanse telekommunikasiemark en die relevante reguleringsomgewing. Nóg die Minister, nóg die Republiek van Suid-Afrika, hulle beamptes en werknemers is verantwoordelik vir enige nadeel wat die applikant mag ly voor, tydens of na die aansoekproses as 'n gevolg van onakkurate evaluasie en ontleding van die Suid-Afrikaanse telekommunikasiemark of regulerende omgewing, of vir enige ander rede hoegenaamd. Applikante is bowendien verantwoordelik vir die verkryging en uitleg van gegewens wat vir die nakoming van hulle verpligtinge nodig is en moet alle verpligtinge wat in verband met die gebruik daarvan aangegaan is, dra. Applikant moet hulle eie raadgevers vir voorbereiding van die aansoeke vind.
- 10.4 Nóg die Minister, nóg die Departement van Kommunikasie, nog die Owerheid oorweeg enige *ex parte* kontakte met betrekking tot hierdie uitnodiging of enige ander saak met betrekking tot die verrigtinge van 'n aansoek om 'n Openbare Geskakelde Telekommunikasiedienste lisensie wat deur hierdie uitnodiging geïnisieer is.
- 10.5 Nóg die Minister, die Owerheid nóg hulle beamptes of werknemers is verantwoordelik vir enige nadeel wat die applikant gely het gedurende of na die aansoekproses as 'n gevolg van sy onakkurate evaluasie en ontleding van die Suid-Afrikaanse

telekommunikasiemark of regulerende omgewing, of vir enige rede hoegenaamd.

11. WYSIGING VAN UITNODIGING

- 11.1 Die Minister kan in haar uitsluitlike diskresie die uitnodiging voor die datum wat gespesifiseer is vir indiening van aansoeke, wysig.
- 11.2 Die Minister moet 'n kennisgewing van die wysiging van die uitnodiging publiseer wysig op dieselfde wyse as dié waarop die uitnodiging self gepubliseer was en moet sodanige wysiging in die Staatskoerant afkondig.
- 11.3 In die geval van 'n wysiging van die uitnodiging kan die sperdatum wat gespesifiseer is vir indiening van aansoeke deur die Minister verleng word.
- 11.4 Die Minister mag nie die uitnodiging gedurende die vyftien (15) dae tydperk voor die sperdatum wat vir die indiening van aansoeke gespesifiseer is, wysig nie.

12. BINDENDE EFFEK VAN AANSOEK

Die aansoeke bind die applikante vir 'n tydperk van een honderd en twintig (120) dae vanaf die sperdatum vir indiening van aansoeke of tot op 'n datum waarop sodanige tydperk deur die Minister verleng is.

13. REGTE MET BETREKKING TOT AANSOEKDOKUMENTE

Applikante aanvaar dat die Owerheid 'n nie-eksklusiewe reg het om die aansoek-dokumente en enige inligting daarin vervat, te gebruik.

Dié reg behels net die reg om die aansoek te reproduseer deur elektroniese drukwerk vir gebruik in materiaal wat die Owerheid voorberei

in verband met die aansoek of enige ander gebruike in verband met die beoordelingsproses, die keuse van die suksesvolle applikant, die afhandeling en die moontlike hersiening en/of wysiging van die lisensie.

14. INDIENING VAN AANSOEKE

14.1 Formele ondertekening en verpakking van aansoeke

14.1.1 Oorspronklike en duplikaat kopieë van die aansoek moet in gedrukte vorm in ooreenstemming met Aanhangsel 3 voorberei word. Die applikant moet as deel van die aansoek 'n uitvoerende opsomming van nie meer as (15) bladsye nie, indien.

14.1.2 Die aansoek-dokumente (met inbegrip van die uitvoerende opsomming maar met uitsluiting van die aanhangsels) moet nie twee honderd (200) bladsye oorskry nie. Elke bladsy van die aansoek-dokumente (met inbegrip van die aansoek, die uitvoerende opsomming en die aanhangsels), behalwe die aanhangsels wat nie deur hierdie uitnodiging om aansoek te doen, vereis word nie, moet deur die applikant se verteenwoordigers onderteken word. Enige korreksie, kwalifikasie of skrapping is slegs geldig as dit deur die applikant se verteenwoordigers onderteken is. Kopieë van die dokument met betrekking tot verteenwoordiging (voorbeelde van handtekeninge, volmagte in 'n notariële dokument of 'n private dokument wat afdoende bewys verskaf, of in die geval van 'n buitelandse applikant enige gelyksoortige dokument) moet in die oorspronklike formaat ingedien word, terwyl duplikaat kopieë van hierdie dokumente aan duplikaat kopieë van die aansoek geheg kan word.

- 14.1.3 Die applikant moet een (1) oorspronklike kopie en vyf en twintig (25) genummerde kopieë van die aansoek indien. Een kopie moet nie gebind of gekram wees nie en moet as "OORSPRONKLIKE KOPIE" en die "DUPLIKAAT KOPIE No. []" (met die relevante nommer) respektiewelik, gemerk word.
- 14.1.4 In die geval van enige konflikte tussen die inhoud van die oorspronklike en duplikaat kopieë van die aansoek, geld die oorspronklike kopie. Alle tabelle en finansiële voorleggings moet in ooreenstemming met SA GAAP as deel van die aansoek voorberei word en moet in elektroniese formaat ingedien word in MS Excel 8.0 (2000) formaat. In geval van enige konflik tussen die harde kopie en die kopie wat op die slapskyf ingedien word, geld die harde kopie.
- 14.1.5 Aansoeke moet in geseëde stewige houers ingedien word, geadresseer word aan die Voorsitter van die Owerheid vir die aandag van die Projekbestuurder met 'n aanduiding van die naam en adres van die applikant. Die koevert moet soos volg gemerk word:
- 14.1.5.1 PSD LISENSIE-AANSOEK. Elke dokument (dit is die aansoek en die aanhangsels) buiten die bankwaarborg van die aansoek en sertifikate met betrekking tot die betaling van die prosedure-fooie, moet binne-in die voormelde houer geplaas word.

15. PLEK EN SPERDATUM VAN AANSOEK

15.1 Aansoeke moet by die volgende adres ingedien word:

Die Voorsitter

Vir aandag: die Projekbestuurder

ICASA

Pin Mill Farm 64

Katherinestraat 164

Sandton,

Suid-Afrika

(011)321-8203 (T)

(011)321-8547 (F)

15.2 Die Minister kan, in sy of haar uitsluitlike diskresie, die sperdatum vir indiening van aansoeke verleng. Die besluit aangaande die verlenging moet in 'n wysiging tot die uitnodiging gepubliseer word. In die geval van enige verlenging geld die regsgevolge van sperdatums ten opsigte van sodanige aangepaste sperdatum.

16. WYSIGING EN TERUGTREKKING VAN AANSOEK

Die applikant is nie daarop geregtig om die aansoek tydens die tydperk van bindende effek wat in hierdie uitnodiging gespesifiseer is, wysig of terugtrek nie. Indien 'n applikant sy of haar aansoek gedurende daardie tydperk, terugtrek, verloor die applikant sy aansoekgeld

17. AANSOEGELD

- 17.1 Applikante moet 'n aansoekgeld van vyf-en-sewentig duisend (R75 000,00) in die vorm van 'n bankgewaarborgde tjek ten gunste van 1CASA betaal wanneer die aansoek ingedien word.
- 17.2 Applikante is nie geregtig om terugbetaling van die geld om watter rede ookal terug te eis nie.

18. EVALUASIEMAATSTAWWE**18.1 Bemagtiging van vroue:**

Daar word van die applikant verwag om aan te dui hoe vroue aktief aan die lisensie sal deelneem. Daar word van die applikant verwag om te demonstreer en om 'n plan in te dien om te verseker dat vroue en vrouegroepe deel het in die eiendomsreg, bestuur en beheer van die maatskappye en om duidelik aan te dui hoe aktiwiteite in verband met die operasies van die TNO sal verseker dat dié vroue deelneem en voordeel trek. Die applikant moet aandui hoe dividende van die onderneming versprei sal word om dié vroue en ander bemagtigingsgroepe te bevoordeel.

- 18.2 Die applikant moet die volle voorgestelde befondsingsmeganisme vir die verkryging van die 19 % aandeel verskaf. Hierdie befondsing moet duidelik in die besigheidsplan aangespreek word.

18.3 Bestuurskapasiteit:

Die besigheidsplan moet die bestuursondervinding en – vaardighede wat deur die SEB verskaf sal word, aandui. Dit moet fokus op die bestuursvermoë van die SEB om tot die sukses van die TNO by te dra.

18.4 ITT professionele persone:

Applikante moet aandui hoe hulle die vaardighede en professionele vermoëns van persone uit histories benadeelde groepe op die terrein van ingenieurswese, ekonomie, rekeningkunde, tegnologie en die regsomgewing gaan benut.

18.5 Menslike hulpbronne-ontwikkeling:

Applikante moet duidelik aandui hoe hulle die vaardighede van persone uit histories benadeelde groepe gaan bevoordeel. Hulle moet ook aandui watter skakeling hulle het met histories benadeelde tersiêre instellings.

18.6 Betrokkenheid van die jeug:

Die applikant moet demonstreer hoe die jeug in die ekonomiese en sosiale sfeer van telekommunikasie geïntegreer sal word.

18.7 Besigheids- en tegniese plan:

Die applikant moet die konsep van sy bemarkingsplan aanspreek en behoorlik aandag gee aan bemarkingsontleding, aanvraagontleding, markgrootte en verdeling, bemarkingstrategieë sowel as algehele volhoubaarheid met inbegrip van 'n strategiese plan vir die TNO. Dit moet beide 'n tegniese en netwerk ontwerpstrategie insluit.

18.8 Rol in oorbrugging van die digitale skeiding:

Die applikant moet duidelik uiteensit watter inisiatiewe voorgestel word om die kwessie van digitale skeiding aan te spreek.

18.9 Sakemodel van die bemagtigingskomponent in die TNO

18.9.1 Die applikant moet sy besigheidsplan in die TNO-opset aanspreek en sy beleggingsplan, sy eie finansiële ontleding, sleutelverhoudings, sensitiwiteitsontledings en sy eie besigheidsondervinding in ander markte uiteensit.

18.9.2 Vir die reservering van persone van histories benadeelde groepe moet die applikante duidelik hulle bestuurskapasiteit om by te dra tot die sukses van die TNO demonstreer. Die bestuursprofiel en kapasiteit van die applikant moet gedemonstreer word en in die omvattende besigheidsplan wat aan die Owerheid voorgelê word, uiteengesit word.

18.10 Ondervinding en begrip van die Sektor:

Die applikant moet ondervinding en vermoë om die nodige vaardighede, navorsing om die sektor te verstaan en projeksies te maak, die kwaliteit van sy tegniese ondervinding, netwerk infrastruktuurdeling en enige ondervinding in netwerkontwerp te verskaf, demonstreer.

19. Aansoek moet uiteengesit word in ooreenstemming met die aansoekvorm wat aan hierdie dokument geheg is.

DIE AANSOEKVORM

1. Die applikant

- 1.1 Volle name van die applikant en twee verteenwoordigers wat behoorlik deur die applikant gemagtig is om op kommunikasie van die Owerheid te reageer.
- 1.2 Fisiese adres
- 1.3 Posadres
- 1.4 Telefoonnommers(s)
- 1.5 E-pos adres
- 1.6 Telefaks nommer

2. Eiendomsreg en beheer

- 2.1 Verskaf 'n kort beskrywing van die applikant se regstatus.
- 2.2 Voorsien gesertifiseerde kopieë van alle relevante stigtingsdokumente;
- 2.3 Voorsien 'n kort beskrywing van hoe en wanneer die applikant gevorm is en hoe dit sedertdien ontwikkel het.

- 2.4 Voorsien 'n volledige en gedetailleerde beskrywing van alle direkte en indirekte eienaarskapsbelange in die applikant, met inbegrip van voordelige eienaarskapsbelange.
- 2.5 Voorsien 'n kort beskrywing van alle persone/individue wat 'n direkte of indirekte eienaarskapsbelang in die applikant het.
- 2.6 Voorsien 'n volledige en gedetailleerde beskrywing van alle direkte en indirekte stembelange met inbegrip van voordelige stembelange.
- 2.7 Voorsien 'n volledige en gedetailleerde beskrywing van alle direkte en indirekte belange in die applikant met inbegrip van voordelige finansiële belange.
- 2.8 Voorsien 'n volledige en gedetailleerde beskrywing van die beherende liggaam van die applikant, byvoorbeeld, die raad van direkteure met 'n aanduiding hoe so 'n beheerliggaam saamgestel is.

3. Bestuur

- 3.1 Verskaf 'n kort beskrywing van die korporatiewe bestuur en organisatoriese struktuur van die applikant.
- 3.2 Verskaf besonderhede van elke lid van die applikant se senior korporatiewe bestuur met inbegrip van direkteure, senior beamptes, lede, vennote, trustees, wat die geval ookal mag wees.
- 3.3 Verskaf die volgende besonderhede: adres, nasionaliteit, beroep en 'n kort curriculum vitae met relevante ondervinding

4. Aandeelhoudersbelange

- 4.1 Verskaf 'n beskrywing van alle aandeelhoudersooreenkomste en/of ander reëlins met betrekking tot voorwaardelike direkte en indirekte eienaarskap en beheer.
- 4.2 Verskaf besonderhede van raadgewers en navorsingskonsultante en vermeld die rol wat hulle sal speel om die applikant te help.

- 4.3 Verskaf enige ander relevante inligting met betrekking tot die eienaarskap van of beheer deur die applikant.

5. Finansiële vermoë

- 5.1 Die applikant moet besonderhede verskaf van hoe die applikant van voorneme is om die 19 % (of deel daarvan) aandeel van die kapitale uitgawes en operasies van die PSD lisensie te befonds. Aansoeke moet getuienis of navorsing en ondersoek van die koste in dié verband verskaf. Die applikant moet besonderhede van die bronne van befondsing wat hy van voorneme is om te bekom, verskaf en gedetailleerde bewys van sodanige befondsing verskaf. Die inligting wat ingevolge hierdie item vereis word, is gebaseer op die veronderstelling dat die applikant 'n maatskappy is. Indien die applikant 'n natuurlike persoon is of 'n entiteit anders as 'n maatskappy is, moet dit die vereiste sertifikate, beskrywings en bewys lewer wat toepaslik vir die applikant sal wees, en verseker dat die substantiewe inligting wat benodig is, verskaf word.
- 5.2 Die applikant moet 'n direkteursertifikaat verskaf ten opsigte van die bedrag van uitgereikte en opbetaalde aandelekapitaal; die opbetaalde aandelekapitaal-, die gemiddelde waardes van aandelerslenings aan die maatskappy en 'n gedetailleerde ontleding van sodanige lenings.
- 5.3 Die applikant moet 'n beskrywing verskaf van die metode waarop aandeel- en/of leningskapitaal gewerf sal word.
- 5.4 Die applikant moet 'n beskrywing verskaf van enige addisionele verpligtinge of obligasies van enige van die applikant se aandeelhouers om verdere fondse aan die applikant te voorsien.
- 5.5 Die applikant moet bewys verskaf dat 'n aandeelhouer waarna hierbo verwys word finansiëel in staat is om sodanige fondse te verskaf.
- 5.6 Die applikant moet 'n beskrywing en bewys van bankfasiliteite of kredietreëlins verskaf, byvoorbeeld: Bankiersertifikaat van die bedrag

van depositos wat beskikbaar is: bankierssertifikate van die bedrag of ander kredietfasiliteite; of bankwaarborge.

- 5.7 Die applikant moet 'n beskrywing en bewys van enige ander befondsingsbronne verskaf.
- 5.8 Die applikant moet kopieë van geouditeerde finansiële state en auditverslae daarvan vir die vorige drie jare verskaf, tesame met die mees resente uitslae vir die applikant en persone wat 'n direkte eiendomsregbelang in die applikant het.

6. Sake- en telekommunikasie-ondervinding

beskrywing

- 6.1 Die applikant moet 'n kort beskrywing verskaf van sy/haar besigheidstelekkommunikasie-ondervinding en die voorgestelde menslike hulpbronnebydrae in die volgende sleutelgebiede: finansiële, tegniese, bemaking, regulerend, menslike hulpbronne en in enige ander operasionele gebiede
- 6.2 Die applikant moet die volgende besonderhede verskaf: naam, datum van geboorte, identiteitsnommer, adres, nasionaliteit, beroep en 'n kort persoonlike agtergrond en aanduiding van ondervinding van sleutelpersoneel wat in diens geneem kan word deur die gelisensieerde maatskappy.

7. Applikant se vrywillige inligting

8. Evaluasie-maatstawwe

Die Owerheid moet die aansoek beoordeel in ooreenstemming met die volgende maatstawwe:

Maatstawwe	Punte
1. Bemagtiging van vroue	10
2. Bestuursvermoë	20

- | | | |
|----|---|----|
| 3. | Menslike hulpbronne-ontwikkeling | 10 |
| 4. | Jeugbetrokkenheid | 5 |
| 5. | Besigheids- en tegniese plan | 15 |
| 6. | Rol in die oorbrugging van die digitale skeiding | 5 |
| 7. | Bemagtiging van histories benadeelde groepe in die Besigheidsmodel in die TNO | 20 |
| 8. | Ondervinding en begrip van die sektor | 5 |
- 8.2 Die applikant is geregtig om as bylaes tot sodanige tabelle, enige dokumente wat gebruik word ter ondersteuning van die bogenoemde tabelle, of enige ander dokumente wat die applikant nodig ag, in te dien. Vir doeleindes van hierdie afdeling word die uitdrukking "die hele termyn van die lisensie" geag 'n verwysing te wees na die oorspronklike twintig (20) jaar termyn van die lisensie.
- 8.3 Die Minister is nie verplig om 'n nuwe uitnodiging oor die onderwerp van hierdie uitnodiging te publiseer nie, indien geeneen van die applikante se aansoeke geslaagd is nie.

AANHANGSELS

Lys van toepaslike wette, regulasies en beleidsvoorskrifte

Wanneer aansoeke voorberei word, moet ag geslaan word op, onder andere, verskillende publikasies in die Staatskoerant. Dit sluit in:

1. Die Wet op Telekommunikasie, 103 van 1996, soos gewysig.
2. Wet op Sentech, 63 van 1996
3. Wet op die Onafhanklike Uitsaaioowerheid, 153 van 1993.
4. Wet op die Onafhanklike Kommunikasieowerheid van Suid-Afrika, 13 van 2000
5. Die Poskantoorwet, 44 van 1958, soos gewysig

6. Ministeriële Beleidsvoorskrif oor Bydraes tot die Universele Diensfonds, gepubliseer in Kennisgewing 775 van 1997 in Staatskoerant 17984 van 7 Mei 1997.
 7. Ministeriële Beleidsvoorskrif oor Bydrae tot Menslike Hulpbronnefonds gepubliseer in Kennisgewing 774 van 1997 in Goewermentskennisgewing 17G84 van 7 Mei 1997.
 8. Ministeriële Beleidsvoorskrif GMDes, gepubliseer in Goewermentskennisgewing 22170 van 23 Maart 2001
 9. Ministeriële Bepaling van Interkonneksie Riglyne gepubliseer in Goewermentskennisgewing 17984 van 7 Mei 1997.
 10. Lisensie uitgereik aan Telkom SA Beperk om telekommunikasiedienste te verskaf ingevolge artikel 36 van die Wet, soos gepubliseer in Kennisgewing 768 van 1997 in Staatskoerant 17984 van 7 Mei 1997
Lisensie uitgereik aan Vodacom Group (Proprietary) Ltd en Mobiele Telephone Networks (Proprietary) Limited om sellulêre telekommunikasiedienste te verskaf, soos gepubliseer in Kennisgewing 1078 van 1993 in Staatskoerant 15232 van 29 Oktober 1993.
-

Dog ate your Gazette? ... read it online



www.SA Gazettes.co.za
.....

A new information Portal keeping you up to date with news, legislation, the Parliamentary programme and which is the largest pool of SA Gazette information available on the Web.

- Easily accessible through the www!
 - Government Gazettes - from January 1994
 - Compilations of all Indexes pertaining to the past week's Government Gazettes
 - All Provincial Gazettes - from September 1995
 - Parliamentary Bills - as of January 1999
- Available in full-text, with keyword searching
- Sabinet Online scans, formats, edits and organize information for you. Diagrams and forms included as images.
- No stacks of printed gazettes - all on computer. Think of the storage space you save.
- Offer Bill Tracker - complementing the SA Gazettes products.

For easy electronic access to full-text gazette info, subscribe to the SA Gazettes from Sabinet Online. Please visit us at www.sagazettes.co.za





*Looking for back copies and out of print issues of
the Government Gazette and Provincial Gazettes?*

The National Library of SA has them!

Let us make your day with the information you need ...

National Library of SA, Pretoria Division

PO Box 397

0001 PRETORIA

Tel.:(012) 321-8931, Fax: (012) 325-5984

E-mail: infodesk@nlsa.ac.za



*Soek u ou kopieë en uit druk uitgawes van die
Staatskoerant en Provinsiale Koerante?*

Die Nasionale Biblioteek van SA het hulle!

Met ons hoef u nie te sukkel om inligting te bekom nie ...


Nasionale Biblioteek van SA, Pretoria Divisie

Posbus 397

0001 PRETORIA

Tel.:(012) 321-8931, Faks: (012) 325-5984

E-pos: infodesk@nlsa.ac.za



Printed by and obtainable from the Government Printer, Bosman Street, Private Bag X85, Pretoria, 0001

Publications: Tel: (012) 334-4508, 334-4509, 334-4510

Advertisements: Tel: (012) 334-4673, 334-4674, 334-4504

Subscriptions: Tel: (012) 334-4735, 334-4736, 334-4737

Cape Town Branch: Tel: (021) 465-7531

Gedruk deur en verkrygbaar by die Staatsdrukker, Bosmanstraat, Privaatsak X85, Pretoria, 0001

Publikasies: Tel: (012) 334-4508, 334-4509, 334-4510

Advertensies: Tel: (012) 334-4673, 334-4674, 334-4504

Subskripsies: Tel: (012) 334-4735, 334-4736, 334-4737

Kaapstad-tak: Tel: (021) 465-7531